

Canjnieb Guhdaeuz Mbanjyauz Hwnghoengh

产业领跑 瑶乡振兴

Bonjbauq gicej(Maj Veiyungz / 马慧蓉) Cibbet Daih Aendangj dox-daeuj, Nanzningz Si hopndaet diuz sienqmeh cukmaenh gij eiqsik caez-caemh Cunghvaz Minzcuz, geiqmaenh gij daengqdaek Siz Ginbingz cungj-suhgi, genhciz yungh caez yungh ndei yungh lix gij cwngecwz minzcuz, fugsae h dieg minzcuz hwnghat ndaej caetliengh sang. Baezneix, raeuz bae daengz Nanzningz Si Sanglinz Yen Cinhih Yauzcuz Yangh, yawjyawj dieg minzcuz dwg baenzlawz saedguh gij cwngecwz minzcuz aendangj.

Cehgenh Banggunz Youq Bakranz

Vihliux hawj vunz lai ndaej senjranz, miz hong guh, caez baenzmiz, bi 2017, aen cwngefuj Cinhih Yauzcuz Yangh caeuq giyez doxgap, guh doengh aen hanghmoeg “cehgenh banggunz daengz lajmbanj”, youq Mbanjbaizhungz, Mbanjlungzgvei, Mbanjyangzcau, Mbanjfuzswj daengj laebdaeb hwnq cehgenh, sou le buek bouxgunzhoj bae guhhong, vunz lai daegbied dwg doenghboux mehmbwk henranz laeng bakranz couh ra ndaej hong, mbanj boux ok rog bae dajgoeng de rox le caemh dauqma ranzmbanj guhhong.

Aen diemjanhci senjdieg Cinhih Yauzcuz Yangh gungh miz 208 hoh 795 vunz, Loz Cunhli ranz de couh-dwg ndawde ranz ndeu. Bi 2021, Nanzningz Cunghhoz Sienghbaub Youjhan Gunghswh youq aen diemjanhci neix hai fwnhcanj. Guh sienghbaub mbouj miz gijmaz gisuz cix mbouj caz naeuz miz mbouj miz vwnzva, aeu vunz lai, hong soengset heih hag heih guh. Guh gijneix ndaej canh di ngaenz, gizde liz ranz hix gyawj, vunz lai cungj nyinhnaeuz neix dwg saehndeі. Ndigah, aen cehgenh neix baez hai, haujlai mehmbwk caeuq doengh boux mbouj miz hong guh de foenfoen haeuj cangj guhhong. “Gou ndaej rom di ngaenz he boujdiep ndawranz, gizde liz ranz mbouj gyaе, hix ndaej ciuqgoq ndawranz.” Dingq-nyi gicej cam de, Loz Cunhli miz di nyaenqnyuq, hoeng cangj daengz gijneix, de cix gangj cix riu.

Aen cehgenh neix gaenq miz 3 diuz swnghcanjsienq. Cangj de gigen aeu, vihhong gihdung, bouxlauxhangz de it ndwen bingzyaenx cungj ndaej 2500 maenz doxhwnj. Cangj de lij suenq naeuz dawz mbanj hong soujgoeng fat daengz ndawranz bae, hawj vunz guhhong lingzvued, daiq-doengh bouxndaejhoengq camgya swnghcanj dem.

Canjnieb Hoengh Mbanj Vunz Baenzmiz

Cinhih Yauzcuz Yangh dwg gexlueg rin lai youq laeng baihsaeback



▲Yauzsanhgoh Yisuzdonz langhbaij minzsug Yauzcuz.

Sanglinz. Bya rin lai, reihnaz noix, vunz lai caenh gag baengh ndaem haeuxnaz caeuq haeuxyangz gvaq ndwenngoenz. Canjnieb mbouj lai, hwnghat mbouj hwnjdaeu, aeu baenzlawz guh vunzmbanj cijndaej gvaq hwnj saedceij ndei ne?

Vihneix, yangh de douz le 350 fanh maenz hwnq le 4 aen suen yienghbanj aeu canjnieb daegsaek bangrex mbanjungzhoj, couz le 398 fanh maenz youq Mbanjyangzcau caeuq Mbanjfuzswj gak hwnq le aen dieggiek swnghcanj gij raet ndaej gwn. Linghvaih, gak aen danhvei bangrex caemh gaenxmaenx bang gyoengqde. Miz canjnieb lo, hoeng, baenzlawz gai, gai hawj byawz youh hawj gyoengqvunz veiznanz lo.

“Mbanj dou ciengj gonq hwnq le Aen Camhfuzvu Densangh Banggunz Mbanjyangzcau, aeu hozcozse+gungh-swh + ranzungzhoj bae baucang caeuq gai gij doxgaiq miz daegsaek de.” Bouxuhgi daih’it Nanzningz Si Cwnghiez baijcap Mbanjyangzcau Maj Liyoz geqnaeuz. Bi 2019, caiq miz gij cwngecwz aeu siuyungh banggunz. Neix caen dwg raq fwn gib ha, gyoengq ganbu cungj anq raeuh. Aen camhfuzvu banggunz baez hai dou, bouxuhgi daih’it couh guhdaeuz gai huq. Doxgaiq couh yienghneix gai okbae lo, vunzmbanj cungj roxnyinh saedceij engq miz muengh lo.

Byawz rox, bi de nienzdae, sawqmwh miz binghra q bwtndat lo. Seizde gij roenloh gai huq cienzdoengj ca mbouj geijlai cungj gai mbouj bae, aeu baenzlawz guh ne? Mboujnex sawq youq gwnzmuengx gai? Ganbu ndawmbanj couh hai le aen veihsin siujcwngzsi “Huqdoj Yangzcau”, guh najna youq baengzyouxgenh, aen ginz segih cawx doxgaiq gai haeuxbeg, youzduhdoem, raetnae, raetmoengngaex daengj. Yienghneix doxgaiq dauq siu ndaej vaiq. Miz binghra q doxdaeu, mbanj de gungh gai le 70 buek

“huqdoj”, canh le 45 fanh maenz. Daengz bi 2020 nienzdae, aen camhfuzvu canh le 300 fanh maenz.

Gohgi Ciengx Mou Vunqsik Ndei

Bi 2019 gaxgonq, Mbanjfuzswj dwg yangh de gij mbanj gig gungzhoj ndawde aen ndeu, doeklaeng dauq aenvih aeu gohgi ciengx mou okmingz.

Fanz Binhbinh gaxgonq youq rog guh gyadien seng’eiq, de dingjlingz rox, caenh ciengx mou ne, ndawyangh ndawyen couh miz ngaenz boujdiep! De gag ngeix, guekgya baenzlai yawjnaek hangzdajciengx, riengz cwngecwz byaij mbouj loek law. Bi 2019, de ma mbanj cienmonz ciengx mou, lij laeb le Yangzfan Hozcozse. De youq gwnzmuengx gaghag, youq veihsinginz cam conhyah, camgya gij ban son baenzlawz gohyoz ciengx mou cwngefuj hai de. Bi de, saehndeі gag daeu ra de. Nanzningz Si Cwnghiez aen danhvei bangrex Mbanjfuzswj douz le 80 fanh maenz bang hozcozse hwnq ndei gij sezsih dieg ciengx mou, hozcozse caiq gag ok 60 fanh maenz cawx roknda. Aen dieg ciengx mou Sinhhicangh Mbanjfuzcwj couh guh baenz lo. Aen de caenh aeu song boux vunz couh ndaej guenj ndei 1000 duz mou lo! Neix dwg baenzlawz guh daengz ne?

Ranzmou fung liux, cang miz lai aen conzganjgi caeuq gij roknda liz gyaе gungci swdung haenx, 35 aen sezsiengdaeuz gizgiz, lai gok, seizseiz gamhaed. Fanz Binhbinh geqnaeuz: “Youq aen gvanlij hidungj ciengx mou neix ndaej cazyawj, diuzcingi ranzmou dwg hwngh roxnaeuz liengz, mbaeq roxnaeuz hawq, liz gyaе couh ndaej gueng raemx gueng liuh. Yienghneix duzmou mbouj gaen hwngh, caemh ndaej fuengzre Mouraq Feihcouh cienz haeujdaeu, duz mou caemh mbouj baenz bingh geijlai lo.”

Ciengx mou lij daiqdoengh le gizyawz canjnieb hwnghat dem. Baih

henz dieg ciengx mou lij guh le aen dieggiek dajndaem byaek youjgih, gij haex nyoh mou baez cawqleix couh ndaej aeu bae dwk go’ byaek, neix mboujdan gajgez gij vwndiz haex nyoh uqlah, lij ndaej “bienq rwix baenz ndei”.

Nungz Vwnz Lij Yungzhab Hwnghat

Roensuijniz yawj mbouj raen gyaеuj, yied gyawj mbanj, roen couh yied bingz, song henz dwg benqbenq nazhaeux roxnaeuz gajgaiq dieg haeuxyangz, dieg gonengznuengx vangraeh doxgap, yaep yawj gvaqbae, dauqcauq heusausau, hoenghfwdfwd. Neix couhdwg Mbanjbaizbah laeng Cinhih Yauzcuz Yangh Baizhungz Cunh. Bi 2017, mbanj de ndaej bingzguh “Aen Mbanj Miz Gij Daegsaek Siujsiq Minzcuz Cungguek”.

Caengz raen vunz couh dingqny sing gonq, ngamq haeuj bakmbanj couh ndaejnyi singgyong, yaep gaenj yaep menh, seiz sang seiz daemq. Gij vwnzva yangh de naekna, “gyongbyayauz” dwg gij yozgi cienzdoengj Yauzcuz dieg de, neix daj Sungqciuz cienz daengz seizneix, gaenq miz saek cien bi lizsij lo. Mbanjbaizbah couhdwg aen mbanj dienjhingz ndeu. Mbanj de vunz Yauzcuz ciemq soq vunz daengx mbanj 84%. Baez daengz Mbanjbaizbah, vunzmbanj eu fwen Yauzcuz daeu coux dou, diuh fwen ndeidingq rwenz raeuh. Bouxdonz-cangj Yauzsanhgoh Yisuzdonz Baizhungz Cunh Luz Cwngh naeuz dou nyi: “Daihgya comz youq giz ndeu gangj saeh roxnaeuz raen naj dongx vunz cungj eu fwen. Ngoenznaengz cawj-daeuz eu gij cwngecwz leihminz aendangj, ndwenngoenz vuenyungz moq aendangj lingjdau daengj.”

Luz Cwngh dwg bouxciepcienz feihyiz fwen Yauzcuz, de naeuz: “Bi 2009 mbanj dou couh gag laeb le aen Yauzsanhgoh Yisuzdonz, seizneix miz 30 lai vunz, daihgya cungj dwg aenvih gag haengjheiq doxcomz youq giz ndeu.” Haidaeuz, baez daengz ndawmbanj roxnaeuz seiq henz gyawj guh laeu, guh sam nyied sam, ciet Daznuj daengj hozdung, donz de couh bae biujyenj, menhmenh couh okmingz le, couh ciengzseiz miz vunz iu gyoengqde okrog bae biujyenj, gij vwnzva gaeuqgeq neix couh yienghneix byaij daengz dangqnaj vunz lai.

Miz gij cwngecwz minzcuz aendangj bangrex, gyawj geij bi neix Mbanjbaizbah bienqvaq gig daih. Baezlaeng, yangh de lij aeu byaij diuz roen nungzyez, vwnzva caeuq lijyouz doxgap de, mboujduenh gyamaen gij hongbaenz gunggeng duetgungz, doidoengh lajmbanj hwnghoengh, cau hguh aen Mbanjyauz minzcuz doxgiet, huzndeі vuenyungz ndeu.